

TIRE GBIKII TE PŌLU U TIMŌTE KUA

Timote u Yesu naane dokewa win aluwaasirun di, sanam me Pōlu u da Lisitiō nōn gbiikiru. Win daaru yiruse sōra u Timote gōsa u ka nūn yōsiri bu Labaari gea kparam da, Gərobun Kookoosu wiru 16:1-3. Timōten tundo u sāawa Gereki, ma win mero u sāa Yuu wi u Gusunən beere yē too, wiru 1:1-5. Pōlu u tire te yoruawa win tākəru sō. U Timote sōwa u nε u de u n tāsā win naane dokebu sō, kpa u Yesun Labaari gean taa geebu ko, kpa win sanu sanusu su n dεere Yesugibun suunu sō, wiru 3:15. U maa nūn ka swaa sōsi ye ya weene Yesun yigbe kparobu ka Gusunən səm kowobu kpuro bu swīi. Meya u maa nūn sōmō nge me Yesugibu ba ko n wāasine. U maa nūn kirō mō u ka sōsi geenu sōsi ni nu dεere keu koosio weesugibun sō.

Tire ten kpunaa

1. Təbiribu, wiru 1:1-2.
2. Sōsi te Pōlu u Timote wē Yesun yigberu ka ten səm kowobun sō, wiru 1:3n di sere wiru 3:16.
3. Sōsi te Pōlu u Timote wē win səmburu sō, wiru 4n di sere wiru 6.

Təbiribu

¹⁻² Timote, wunε wi a kua nen bii yèn sō a Yesu naane doke, Gusunō Baaba ka Yesu Kirisi bešen Yinni bu nun durom ka wənwəndu kua kpa bu nun alafia kē. Ne Pōlu, Yesu Kirisin gəro nge me Gusunō bešen Faaba kowo ka Yesu Kirisi wi u sāa bešen yīyōbu, ba man yiire, na nun tire teni kuammε.

Sɔ̄si weesugirun kirɔ

³ Tɛ, na kɪ a sina Efesuɔ nge mɛ na nun yiire sanam mɛ na dɔɔ Masedɔni gia kpa a bu yinari be ba sɔ̄si tukunu sɔ̄simɔ. ⁴ A bu sɔ̄wɔ bu ku raa ben laakari doke gari yi tɔmba seka sɔɔ, ka maa sikadoban yɪsa sɔɔ. Yeya ya sikirinɔsu seeyamɔ, ya n̄ maa Gusunɔn himba wuswaa daasiamɔ ye tɔnu ra gie ka naanɛ dokebu. ⁵ Adama na yiire bi mɔwa n ka bɛɛn kɪru seeya te ta wee saa gɔ̄ru ge ga dɛɛren di ka laakari taarɛ sarirugian di ka maa naanɛ doke kpikibun di. ⁶ Wee, gaba gera saa gari yin min di ma ba kɔ̄ra sikirinɔ kamgisu sɔɔ. ⁷ Ba kɪ ba n sɔ̄a Gusunɔn woodan keu sɔ̄siobu, adama ba n̄ ben tiin garin tubusianu yɛ baa yi ba gerumɔ ka naanɛ baka.

⁸ Ka mɛ, sa yɛ ma wooda ya wɔ̄ tɔnu ù n ye dendimɔ nge mɛ n weenɛ. ⁹ Kpa u n yɛ ma ba n̄ wooda kue gemgibun sɔ̄. Ba ye kuawa wooda sarobu ka mɛm nɔɔ sarirugibun sɔ̄, ka be ba n̄ Gusunɔn bɛɛrɛ yɛ, ka durumgibu, ka maa tɔn be ba n̄ Gusunɔ ka gɔ̄a dɛɛranun bɛɛrɛ yɛ, ka sere be ba ben tundobu n̄ kun mɛ ben mɛrobu goomɔ, ka maa tɔn gowobu gabu, ¹⁰ ka maa sakara kowobu, ka tɔn durɔ be ba kɔ̄ mɛnnamɔ ben tii tiinɛ, ka be ba tɔmbu gbɛnimɔ ba dɔramɔ, ka weesugibu, ka be ba weesu sɔɔ bɔ̄rumɔn sɔ̄, baayere kpuro gesi ye ya kun sɔ̄a sɔ̄si geeru. ¹¹ Sɔ̄si te, ta wɔ̄awa Labaari gea ye ba man nɔma bɛria sɔɔ. Gusunɔwa ya ka yɔ̄. Wiya u yiiko mɔ, u maa sɔ̄a domarun nuuru.

Siarabu

Gusunɔn wɔ̄nwɔ̄ndun sɔ̄

¹² Na Yesu Kirisi bɛɛn Yinni siara wi u man dam kɔ̄ n ka nɛn sɔ̄mburu ko. Na saabu kua yɛn sɔ̄ u

man garisi naanegii ma u man gɔsa win sɔmburu sɔɔ, ¹³ baa mɛ na ra raa nùn gari kam gerusi ma na nùn nɔni sɔɔwa ma nɛn mɔru ku ra n toma. Ka mɛ, u man wɔnwɔndu kua yɛn sɔ na n̄ yē ye na mɔ, domi na n̄ daa naanɛ doke. ¹⁴ Ma bɛsɛn Yinnin durom mu banda nɛ sɔɔ. U man naanɛ dokebu ka kīru wɛ. ¹⁵ Gari naanegii yi yi weenɛ i nɔma gāri i mwa mam mam yiya, Yesu Kirisi u na handunia sɔɔ u ka durumgibu faaba ko bè sɔɔ na s̄a ben kpoko. ¹⁶ Adama yenin s̄ona Gusunɔ u man wɔnwɔndu kua, kpa Yesu Kirisi u ka kpī u win suuru nɔru sarirugia s̄ɔsi nɛ sɔɔ nɛ wi na s̄a kpoko, kpa na n ka s̄a yīreru ben s̄ɔ be ba koo nùn naanɛ doke bu ka wāaru te ta ku ra kpe wa. ¹⁷ Tɛ, Gusunɔ turo wi, sina boko wi u ko n wāa ka baadommaɔ, wi u kun gbimɔ, wi ba n̄ ka nɔni waare, wigia bɛɛɛɛ ka yiiko sere ka baadommaɔ. Ami.

¹⁸ Timote nɛn bii, na nun yiire bini mɔ nge mɛ Gusunɔn sɔmɔbu ba raa gerua wunen s̄ɔ. A de sɔmɔ ben gari yi, yi n s̄a wunen tabu yānu kpa a ka taa geebu ko ¹⁹ a n naanɛ doke kpa wunen ḡɔru ga kun nun taare wɛɛmɔ. Adama sibu gabu ba n̄ ḡɔru gen bweseru swaa sue, ma ba ben naanɛ dokebu kam koosia nge goo nimkuu ge ga nim diira. ²⁰ Tɔn be sɔɔra Himɛnɛ ka Alesandu ba wāa be na Setam nɔmu sɔndia bu ka gia ma n̄ n̄ weenɛ bu Gusunɔ gari kam gerusi.

2

Kanarun gari

¹ Yen s̄ona na bɛɛ kanamɔ gbiikaa, i n kanaru mɔ tɔmbu kpuron s̄ɔ i n bikiamɔ ka tii kawabu, kpa i n da maa Gusunɔ siare. ² Nge mɛya i maa kanaru

koowo tem yērobun sō ka sere be ba wāa aye damginu sōo kpuro, kpa su wa su besen handunian wāaru di ka bōri yendu ka alafia, sa n Gusunō beere wēemō kpa sa n daa gea mō. ³ Kana ten bwesera ta wā ta ra maa Gusunō besen Faaba kowo wēre ⁴ wi u kī tōmbu kpuro bu faaba wa, kpa bu wa bu gem tubu. ⁵ Domi Gusunō turowa wāa, sannō yakianō turowa maa wāa beše ka Gusunōn baa sōo, wiya Yesu Kirisi wi u kua tōnu, ⁶ ma u tii wē u kua baawuren abōru. Seeda yera ya sōosira sanam me yen saa ya tura. ⁷ Yenin sōna ba man gōsa waasu kowo ka gōro, kpa n ka tōn tukobu naanē dokebu ka gem keu sōosi. Geema na gerumō na n weesu mō.

⁸ Yen sōna na kī baama mi ba kanaru mō tōn durōbu bu tu ko ba n nōma ye ya dēere sue wōllo n kun ka mōru n kun ka sikirinō.

⁹ Mēya maa na kī tōn kurōbu bu tii sōme saka sōo ka girima kpa ben buraru ta kun sāa tara gidigia n kun me wura n kun me goonu, bu ku maa yāa gobi bekeginu doke. ¹⁰ Adama ben bura yānu nu n sāa kookoo burasu nge me n weenē kurō be ba tii garisi Gusunō sōo bu ko. ¹¹ A de tōn kurō u gia laakari sōo ka wii kpīibu mam mam. ¹² Na n wure tōn kurō u keu sōosi, n kun me u n sāa tōn durōn wirugii adama u n da n maari. ¹³ Domi Adamuwa Gusunō u ghia u taka kua, yen biru Efa. ¹⁴ Mēya n n mō Adamu Setam u nōni wōkua, win kurōwa, u nōni wōkua ma u wooda sara. ¹⁵ Adama tōn kurō u koo faaba wa u n bibu marumō u n gesi wāa naanē dokebu ka kīru ka wāa dēeraru sōo ka tii yēru sannu.

3

Yesun yigbe kparobu

¹ Gari naanegii wee. Goo ù n kī u n sãa Yesun yigbe kparo, sãm geera u kī. ² N weenewa yëro u n sãa taare sarirugii kpa u n kurɔ turo dege dege mɔ, yen biru u n maa sãa gayagii kpa u n tii yē u kun sãa tɔn bereteke, adama u n sãa sɔbun yaare kowo ka maa wi u koo keu sɔsibu kpī. ³ Kpa u kun sãa tam nɔro ñ kun me sannɔ kīro adama u n sãa suurugii wi u alafia kī, kpa u kun sãa gobin kīro. ⁴ Kpa u n sãa wi u win yenu nɔma sikerene mam mam, kpa u win bibu mem nɔɔbu ka tɔnun beere wēebu kpuro sɔosi. ⁵ Domi tɔnu ù kun yē me u koo ko u ka win tiin yenu nɔma sikerena, amɔna yëro wi, u koo ka kpī u Gusunɔn yigberu nenε. ⁶ N ñ maa weene yëro u n sãa naane dokeo kpaɔ, ye n koo de u n tii gãamɔ kpa u taare wa nge me Setam u wa. ⁷ Yen biru n weene be ba ñ naane doke ba n yëro win seeda gea dimɔ, kpa bu ku nùn gem, kpa u ku raa maa Setam yina wɔri.

Yesun yigbe sãm kowobu

⁸ Meya maa n ñ weene Yesun yigbe sãm kowobu ba n sãa be ba ñ beere mɔ nge nɔsu yirugibu ñ kun me tam yobu ñ kun me be ba ka bwisi kankam gobi kasu, ⁹ adama ba n naane dokebu n gem me mu tera neni ka gɔru deerɔ. ¹⁰ N weene bu maa gina ben laakari mɛeri. Bà n wa ba ñ taare gaa mɔ kpa bu sere ben sɔmburu wɔri. ¹¹ Nge meya n maa weene kurɔbun tii ba n sãa be ba koo beere wē, kpa ba kun sãa tɔn wīɔbu ma n kun mɔ gayagibu be ba naane mɔ kpuro sɔɔ. ¹² Kurɔ tia tiawa yigbe sãm kowobu ba kɔ n mɔ, kpa ba n sãa be ba ben bibu ka ben tiin yenusu nɔma sikerene mam mam. ¹³ Sãm kowo be ba ben sɔmburu mɔ ka nuku tia ba koo ten baruka

di ben wāaru sɔɔ, kpa ba n toro sindu mɔ ben naanɛ dokebu sɔɔ bi Yesu Kirisi sun wɛɛmɔ.

Asiri baka

¹⁴ Na yīiyɔ n na n nun wa, adama na nun tire teni yoruammɛwa, ¹⁵ baa nà n tɛɛmɔ, amɛn biru a n ka yɛ nge mɛ n weenɛ a n tii kpare Gusunɔn tɔmbun suunu sɔɔ be ba sãa Gusunɔ Yinni wason yigberu. Yigbe tera ta sãa gem gberɛ ka mɛn maro. ¹⁶ Ka gem, goo sari wi u koo kpī u besɛn sãarun asiri yen kpãaru siki.

Gusunɔ u sɔɔsira tɔnun wasi sɔɔ.

Hunde Dɛero nùn gem wɛ.

Wɔllun gɔradoba ba maa nùn wa.

Ba win gari bweseru baatere waasu kua.

Ma ba yi naanɛ doke handunia sɔɔ.

Ma ba kparam nùn sua wɔllɔ u wura win yiiko sɔɔ.

4

Keu koosio weesugibu

¹ Adama Gusunɔn Hunde gerumɔ kpasasa ma sanam gam sisi mè sɔɔ gaba koo naanɛ dokebun swaa deri bu hunde koni weesugibu mɛm nɔɔwa, kpa bu maa wɛɛkunun sɔɔsiru swīi. ² Sɔɔsi te, ta weewa saa wee kowobun min di be ba tii mɛɛra gabu. Tɔn ben gɔru ga gu nge ge ba sii sunsu mani.

³ Tɔn ben bwesera ba gerumɔ ma n n̄ wã tɔmbu bu suana, yen biru n n̄ maa weenɛ bu dīanu kpuro di. Adama Gusunɔ u ye kpuro taka kuawa naanɛ dokeobu be ba gem gia bu ka di ka siarabu sannu.

⁴ Domi gāanu baanire ni Gusunɔ u taka kua gāa geena, gāanu sari ni sɔɔ, ni ba koo kɔ, adama bu gesi ni kpuro mɔɔ ka siarabu. ⁵ Domi Gusunɔn gari ka kanara ni kpuro dɛerasiamɔ.

Yesu Kirisin sɔm kowo geo

⁶ Wee, à n naane dokeobu bwisi yini kɛmɔ kaa n sãawa Yesu Kirisin sɔm kowo geo, kaa n maa wunen tiin hunde diisiamɔ ka naane dokebu ka sɔɔsi geerun gari yi a swii. ⁷ Adama a wiira gari yinɔ yi tamba seka kpa a n wunen hunde dendimɔ Gusunɔn beere wɛɛbu sɔɔ. ⁸ Geema, wasin dendibu arufaani gaa mɔ, adama Gusunɔn beere wɛɛbu bu arufaani kpuro mɔ yèn sɔ bu gisɔn wāaru ka maa siagirun nɔɔ mwɛɛru mɔ. ⁹ Gari naanegiiya mi. N wã bu yi nɔma gāri mam mam bu mwa. ¹⁰ Yen sɔna sa sunamɔ sa sɔmburu mɔ, domi sa besen yiɔyɔbu doke Gusunɔ Yinni waso sɔɔ wi u sãa tumbu kpuron Faaba kowo, su mam neere be ba naane doke.

¹¹ A n bu sɔɔsi te yiiremɔ kpa a n bu tu sɔɔsimɔ. ¹² A ku de ba n wunen aluwaasiru gema, adama a de a n naane dokeobu kom gen sɔɔsimɔ wunen gari gerubu sɔɔ, ka wunen wāarun kookoosu sɔɔ, ka wunen kīru sɔɔ, kpa a n naane mɔ ka maa gōru kpiku. ¹³ Sere n ka tunuma, a n tumbu Gusunɔn gari gariamɛ kpa a n bu dam kɛmɔ kpa a n bu keu sɔɔsimɔ. ¹⁴ A ku hunden kēru atafiiru ko te ta wāa wunɛ sɔɔ, te ba nun nɔmu beria Gusunɔn sɔmɔbun gari sɔɔ sanam mɛ yigbe guro guroba nun nɔma sɔndi wirɔ. ¹⁵ A gari yini nɔni dokeo, a maa yi tii wɛɛyɔ mam mam, kpa tumbu kpuro bu wunen wuswaa daabu wa. ¹⁶ A n tii se, a maa wunen sɔɔsiru laakari dokeo kpa a n tɛmanɛ gãa nini sɔɔ. Domi à n mɔ me, kaa tii faaba ko ka maa be ba nun swaa daki.

5

Dobonia naane dokeobun sɔ

¹ A ku durɔ bukuro gerusi ka dam, adama a tɛmanɔ a nùn dam kɛ nge wunen tiin tundo. Mɛya maa aluwaasiban tii, a bu koowo nge wunen maabu ka wɔnɔbu. ² N n maa kurɔ tɔkɔnun na, a nin baawure koowo nge wunen tiin mero, a maa kurɔ mero kpɛminu ko nge wunen sesubu daa dɛɛra sɔɔ.

³ A gɔminibu bɛɛɛ wɛɛyɔ be ba sãa gɔminibu ka gem. ⁴ Adama gɔmini goo ù n bibu mɔ ñ kun mɛ nikurɔminu, n weenɛ bu gbi bu gia bu gea ko ben tii tiin mero bisibu sɔɔ kpa bu wa bu ben mɔwɔbu gea dibu kɔsia, domi yeni ya wã Gusunɔn mi. ⁵ Kurɔ wi u sãa gɔmini ka gem wiya wi u ñ goo mɔ wi u koo nùn nɔɔri. Win yĩiyɔbu wãawa Gusunɔ sɔɔ kpa u n kanaru mɔ u n win somiru bikiamɔ bururu ka yoka. ⁶ Adama gɔmini wi u win wãarun yɛeritia tɔna kasu u kua gɔri kɔ baa mɛ u wasi. ⁷ A n bu gãa ni kpuro sɔɔmɔ kpa goo u ku raa ka bu taare wɛ. ⁸ Wi u kun win dusibu nɔɔri n ku mam ko win yenugibu, wiya u naanɛ dokebu yina, ma u naanɛ doke sarirugii dukuram kera.

⁹ A ku gɔmini goo sosi gɔminibun wuuru sɔɔ ma n kun mɔ yɛro u wɔɔ wata mɔ, kpa u n sãa wi u ka durɔ turo yɔra, ¹⁰ ma ba win sɔm geerun seeda dimɔ. U n sãa kurɔ wi u bibu nɛnum yɛ, kpa u n daa sãa sɔbun yaare kowo ka maa wi u naanɛ dokeobu nɔɔrire ka tii kawabu, kpa u n daa wahalagibu somire, kpa u n sãa wi u ra n sɔm geenu baanire mɔ ka kĩru.

¹¹ Adama a ku gɔmini kpɛminu sosi gɔminibun wuuru sɔɔ, domi sanam mɛ ben kĩra koo bu bɔria bu ka Kirisi atafiiru ko, ba koo kĩa bu durɔbu sua ¹² kpa bu ben tii taare wɛ yèn sɔ ba ben nɔɔ mwɛɛ gbiikiru kua kam. ¹³ Yèn sɔ ba ñ garu mɔ ba koo

se ba n yenusu duurimə. N n̄ mam ye t̄ona, adama ba ko n da t̄ambu wĩ kpa bu gari wəbia wəri kpa ba n gari swinimə. ¹⁴ Yenin s̄ona na k̄i ḡomini kp̄emminu nu durəbu sua kpa bu bibu ma, kpa bu ben yenu n̄oni doke kpa bu ku raa b̄esen yiber̄eba ayeru deria bu ka b̄esen k̄sa gere. ¹⁵ Domi ḡomini ben gaba ḡera k̄o ba Setam sw̄i. ¹⁶ Adama naane dokeo goo ù n ḡominibu m̄o win dusibu s̄o, a de u bu somi. A ku de u Yesun yigberu s̄omu ni s̄abi kpa tu ka kp̄i tu ḡomini be ba kun goo m̄o somi.

¹⁷ Yen biru yigberun guro guro be ba hania m̄o ben s̄amburu s̄o, n weene bu b̄ere bakan arufaani di, n ku mam ko be ba ra sun̄e gem gem waasu ka keu s̄osibu s̄o. ¹⁸ Domi Gusun̄on gari yi gerum̄o yi n̄e, “I ku b̄een naa kin̄enu n̄o b̄ake saa ye nu s̄amburu m̄o d̄ianu s̄o.” Yi maa gerum̄o, “N weene s̄om kowo u win k̄osiaru wa.” ¹⁹ B̄a n ka nun yigbe guro guro goon taare naawa, a ku gari yi wura ma n kun m̄o t̄onu yiru n̄ kun m̄e ita ba yen seeda di. ²⁰ A be ba tora gerusio yigberugibu kpuron n̄oni biru kpa be ba tie bu berum duura.

²¹ Na wure na nun s̄om̄o Gusun̄o ka Yesu Kirisi ka win ḡrado be u ḡosan wuswaa, a s̄osi nini mem n̄ow̄o n kun ka goon n̄onu nasiaru. A ku maa ḡānu ko kpaasirun k̄irun s̄. ²² A ku maa senda a ka goo n̄oma s̄andi. M̄eya, a ku maa de a n b̄onu m̄o gabun toranu s̄o. A tii n̄enu d̄eraru s̄o.

²³ Wee, a kun da maa nim t̄ona n̄o, adama a n da tam n̄o fiiko wunen nukurun alafian s̄o ȳen s̄o a ra bare kiri kiri.

²⁴ Gabun toranu nu ra s̄osire batuma s̄o bu sere bu siri. Adama gabuginu ra s̄osirewa amen biru. ²⁵ Nge m̄eya maa s̄om geenun tii, nu ra s̄osire

kpasasa. Baa ni nu kun tere sãa sãa nu ñ berurɔ ka baadomma.

6

¹ Be ba yoru dimɔ n weene bu ben tiin yinnibu bεεε wē gāanu kpuro sɔɔ, kpa goo u ku raa ka fεε wa u Gusunɔn yīsiru ka besen sɔɔsinu gari kam gerusi.

² Yoo be ba maa yinni naane dokeobu mɔ, bu ku raa bu gem bu nεε, ba sãa dusinu Yinni sɔɔ. Adama bu de bu yinni be sã ka girima kpa bu ben sɔman arufaani di n kpā yèn sɔ ba sãa naane dokeobu ka maa kīnasibu Yesu sɔɔ.

Sɔɔsi weesuginu

ka arumani gea

Yeya n weene a waasu ka keu ko. ³ Baawure wi u sɔɔsi tukururu garu sɔɔsimɔ ma u yina u besen Yinni Yesun Kirisin gari gemgii nεnε, ka maa sɔɔsi te ta Gusunɔn bεεε wēebu sɔɔsimɔ, ⁴ yēro u tii suewa, u ñ maa gāanu yē. Adama sikirinɔsu ka gari wēerinun kīra u barɔ. Min diya nisinu ka sannɔsu ka yaa kasikibu ka tɔn naane sarira wee. ⁵ Tɔn ben wira sīra ba ñ maa gem yē ma ba sikirinamɔ nɔru sari. Ba tamaa ma Gusunɔn sãaru ta koo bu ko arumanigibu.

⁶ Geema, Gusunɔn sãaru ta sãawa arumani baka, ye tɔnu u mɔ yà n ka nùn nεrena. ⁷ Domi sa ñ ka gāanu ganu nε handunia ye sɔɔ, mɛya sa ñ maa ka gāanu wiɔ. ⁸ N n mɛn na, sà n dīanu ka yānu mɔ n ko n sun turia. ⁹ Adama be ba kī ba n sãa arumanigibu, beya ba ra wəri kəkiribu sɔɔ, kpa wiirarun kīru ka kī gɔburu tu bu yina mwa ba n ka dɔɔ kam kobu ka kpeerasiabu sɔɔ. ¹⁰ Domi gobin kīra sãawa

kom kōsum kpuron nuu teeru. Sibū gaba tu naa gira sere ba naane dokebu geerari ba tii kp̄e nuku sankira dabinu sɔɔ.

Ye Pɔlu u Timote yiire

¹¹ Adama wunε Gusunɔgii, a yeni kpuro duka suurio kpa a gem naa gira ka maa Gusunɔn bεεε w̄εebu ka naane dokebu ka k̄iru ka temanabu ka sere daa duudwia. ¹² A naane dokebun taa geebu koowo kpa a w̄āru te ta ku ra kpe are di. Domi w̄ā te s̄ɔra Gusunɔ nun soka, ten s̄ɔna a maa naane dokebun seeda gea di seedagii dabinun n̄oni biru.

¹³ Na nun yiiremɔ Gusunɔn wuswaaɔ wi u ra yabu kpuro w̄āru w̄ε, ka maa Yesu Kirisin wuswaaɔ wi u seeda gea di P̄onsu Pilatin wuswaaɔ, ¹⁴ a wooda ye n̄enuɔ kpa a n w̄ā d̄εeraru ka taare sariru sɔɔ sere t̄ɔ te b̄εsen Yinni Yesu Kirisi u koo kurama. ¹⁵ Gusunɔ, wi u koo de t̄ɔ te, tu s̄ɔsira ten saa sɔɔ, wi turo dege degewa s̄ā domarugii ka yiikogii ka sina boko ka yinnibun Yinni. ¹⁶ Wi turowa s̄ā wi u kun gbimɔ. U w̄ā yam bururam sɔɔ mε goo kun kp̄ε u susi. Goo kun n̄un waare, goo u n̄ kp̄ε u mam n̄un wa. Wigia bεεε ka sinaru te ta ku ra kpe. Ami.

¹⁷ A tem men arumanigibun laakari seeyo bu ku woo kana bu ku raa maa ben ȳiyɔbu yi dukia ye ya koo kpe sɔɔ. Adama bu bu yiyo Gusunɔ sɔɔ wi u sun kpuro w̄εemɔ ka nuku tia b̄εsen nuku doɓun s̄ɔ. ¹⁸ A bu s̄ɔwɔ bu gea ko bu ko arumanigibu s̄am geenu sɔɔ, kpa ba n nuku tia m̄ɔ ba n s̄ɔru s̄ā bu ka ben m̄aru gabu b̄onu ko. ¹⁹ Nge m̄eya ba koo tii arumani gea berua ye ya n̄ sankiramɔ sian s̄ɔ. Sanam m̄eya ba koo kp̄i bu w̄ā geeru naamwε.

²⁰ Timote, a ye ba nun n̄omu s̄andia n̄enuɔ n w̄ā. A d̄esiro saa handunian gari kankamgiin di. A ku

maa sikirina ka be ba tamaa ba yēru mɔ. ²¹ Ben yēε
te, ta dera ben gaba kōra naane dokebun swaan di.
Gusunɔn durom mu n ka bεε wãa.

Bibeli Gusunɔn Gari
The Holy Bible in the Baatonum language of Benin,
also called the Bariba language

copyright © 2013 SIM

Language: Bariba (Baatonum)

Translation by: SIM International

Bariba, Bibeli Gusunɔn Gari

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

PDF generated using Haiola and XeLaTeX on 11 Nov 2022 from source files
dated 29 Jan 2022
00601790-b883-5da1-83f2-d05a7fa289a8